

## **Circuíto Supersprint 2023**

### **Cadete – Xuvenil – Júnior**

#### **Presentación e exposición de motivos**

Dada a importancia crecente das distancias máis curtas nas probas e *rankings* nacionais, coa finalidade de promover a organización de probas en distancia supersprint e a participación nas mesmas de deportistas das categorías cadete, xuvenil e júnior, a Federación Galega de Tríatlon e Péntatlon Moderno desenvolve o circuíto 2023 de probas supersprint para mozos e mozas das categorías cadete, xuvenil e júnior.

#### **Regulamento Xeral**

Formarán parte deste circuíto todas aquelas probas baixo amparo federativo que celebren carreiras supersprint, cuxos organizadores manifesten á FEGATRI a súa bondade de formar parte do mesmo, cumprindo sempre os seguintes puntos xerais:

##### **1. Probas e distancias:**

- Dúatlon de estrada supersprint: 2 km + 5 a 8 km + 1 km
- Tríatlon de estrada supersprint: 250 a 300 m + 6,5 a 13 km + 1,7 a 3,5 km
- Acuatlón distancia “remuda”, formato natación-carreira: 500m + 2,5 km
- Dúatlon Cros- 2 a 3 Km-6 a 10 Km BTT- 1 a 1,5 Km
- Tríatlon Cros- 200 a 250 m- 4 a 5 Km.- 1,2 a 1,6 Km-

\* as distancias poderán axustarse de xeito motivado, de acordo ás tolerancias regulamentarias

##### **2. Participantes**

- A participación no circuíto será exclusiva para deportistas con licenza FEGATRI en vigor na tempada 2023 das seguintes categorías:

- Cadete: nados e nadas en 2008 - 2009
- Xuvenil : nados e nadas en 2006 -2007
- Junior: nados e nadas en 2004 – 2005

##### **3. Clasificacións.-**

Cada proba terá unha clasificación individual para cada unha das categorías masculina e feminina e unha clasificación de clubs mixta. A clasificación de clubs farase segundo se especifica no punto 6b

##### **4.Premios (non poderán ser económicos)**

a) Premios de cada proba,trofeo/medalla a cargo do organizador, para os tres primeiros clasificados de cada categoría e sexo.

- b) Premios finais de circuíto e das probas de campionato galego individuais e por clubs a cargo da FEGATRI.

## 5. Inscripcións.-

- a) Serán gratuítas para as tres categorías do circuíto.
- b) Establecerase un prazo de prioridade para a inscrición das categorías establecidas, ata o domingo da semana anterior á proba, reservando un cupo de prazas para cada unha das tres categorías e sexos no caso de probas con participación limitada. No caso de non completarse as prazas, a partir do luns poderase abrir a inscrición a calquera outra categoría, ata completar o número de prazas ofertadas coa cota establecida polo organizador.

## 6. Sistema de puntuación en cada proba do circuíto:

- a) Individual
- a. en cada proba, cada deportista recibirá tantos puntos coma o posto acadado na clasificación individual da súa categoría e sexo. Calquera deportista non presentado recibirá 100 puntos. Deportistas que non finalizan (NF) formarán parte do circuíto pero acadarán (75 puntos).
- b) Clubs:
- a. A clasificación por clubs sempre será mixta; en cada proba. Confeccionarase coa suma de postos de 6 deportistas, sendo cada un destes o/a mellor clasificado/a do club en cada categoría e sexo.
  - b. Se un club non ten representación na clasificación dalgunha das categorías, recibirá 100 puntos. Considérase representación ter tomado a saída na proba (75 puntos).

## 7.- Clasificación final do circuíto

- a) A clasificación final do circuíto, tanto individual como de clubs, confeccionarase coa suma das 5 mellores puntuacións acadadas. Sendo obrigatoriamente estas probas, no caso de celebrarse, 2 dúatlons, 2 triatlons e 1 (acuatlón, triatlón cros ou duatlón cros). En caso de que non se celebren 5 probas, puntuarán un mínimo de 3 probas de calquera modalidade, 1 duatlón, 1 triatlón e 1 (acuatlón, triatlón cros ou duatlón cros).
- b) Vencerán os clubs que sumen menos puntos. Se un deportista non participase no mínimo de probas establecidas no apartado 7.a), non entrará na clasificación final do circuíto.
- c) Desempates nas clasificacións do circuíto. En caso de empate, vencerá o que máis primeiros postos acade, e de seguir o empate, vencerá o que acade o mellor posto no Campionato Galego de Triatlón Supersprint, o mellor posto do Campionato Galego de Dúatlón Supersprint e por último o mellor posto do Campionato Galego de Acuatlón, Triatlón Cros ou Dúatlón Cros.